

“যে তব বিচিত্র তান  
উচ্ছ্বসি উঠিত  
বহু গীতে  
এক হয়ে মিশে যাক  
মৌনমন্ত্রে ধ্যানের  
শান্তিতে”  
— রবীন্দ্রনাথ ঠাকুর

বেঙ্গল  
অ্যাসোসিয়েশন,  
দিল্লী আয়োজিত  
বিশেষ অনুষ্ঠান  
বর্ষবিদায়  
বর্ষবরণ  
১৪ই এপ্রিল ২০২১  
স্থান  
মুক্তধারা  
বঙ্গ সংস্কৃতি ভবন  
সময়  
সন্ধ্যা ৬.০০ ঘটিকায়

অ্যাসোসিয়েশন সংবাদ

Posted on 8<sup>th</sup> & 9<sup>th</sup> April, 2021 from New Delhi PSO  
Date of Publishing 6<sup>th</sup> March, 2021

Total pages 8

RNINO - DELBEN/2001/2869  
POSTAL REGD. NO. DL(ND)-11/6115/2018-19-20

# অ্যাসোসিয়েশন সংবাদ-২৩৭

## ASSOCIATION SAMBAD

Price Rupee One

বেঙ্গল  
অ্যাসোসিয়েশন

[www.bengalassociation.com](http://www.bengalassociation.com)

If undelivered please return to  
Bengal Association, Banga Sanskriti Bhawan,  
18-19, Bhai Veer Singh Marg,  
Gole Market, New Delhi - 110001 Tel. 23344808  
E.mail : bengalassociation1819@gmail.com

## সম্পাদকের ডেস্ক থেকে

দেখতে দেখতে বাংলা ক্যালেন্ডারের একটি বছর পেরিয়ে এলাম, আর কয়েকদিন পরেই নতুন বছরের বিশেষ উৎসব বর্ষবিদায় বর্ষবরণের আয়োজন করতে চলেছি আমরা। রাজধানী দিল্লির রাজপথে এখন বসন্তের বিদায় সঙ্গীত, মধ্যদিল্লির পথে পথে বারা পাতাদের সঙ্গে গ্রীষ্মের কানাকানি চলছে।

বিগত দিনের প্রাণান্তকর অতিমারী আমাদের মনে প্রাণে যে আঘাত করেছিল তার রেশ রয়ে গেছে। এখনো কোভিড আমাদের পিছনে ছায়ার মত ছুটে বেড়াচ্ছে। যদিও টীকাকরণের কাজও বেশ জোড়কদমে চলছে তবুও এখনো আমাদের সাবধানতা অবলম্বন করাটা জরুরী।

কিছু মানুষ এখনো সচেতনভাবে রাস্তায় মাস্ক না ব্যবহারের মাশুল দিচ্ছে। মাশুল হিসাবে টাকার অঙ্কটা কম নয়। সাবধানতার জন্য নানান ব্যবস্থা নিয়েও কিছু লাভ হচ্ছে না। সড়ক পথ, রেলপথে হাজার হাজার মানুষ যাতায়াত করছে এবং প্রত্যক্ষ ও পরোক্ষভাবে করোনার জীবাণু ছড়াতে সাহায্য করছে।

এখনও নানান সাংস্কৃতিক কর্মসূচীতে সরকারী নিয়মের বাধানিষেধ। সব ক্ষেত্রে সেইসব নিয়ম মানার তাগিদ সাধারণ মানুষের কাছে কতোটা প্রয়োজনীয় সেটা বোঝাতে সরকারের তরফ থেকে বিভিন্ন কর্মসূচী গ্রহণ করা হয়েছে, সেইসব নিয়ম মেনেই বেঙ্গল অ্যাসোসিয়েশন বিভিন্ন কার্যপ্রণালী নির্ধারণ সঙ্গে পালন করে চলেছে।

আমরা বর্তমান পরিস্থিতির সঙ্গে আপোষ করে অনুষ্ঠানে জনসমাগম নিয়ন্ত্রণ করতে বাধ্য হয়েছি। এছাড়া প্রতিটি অনুষ্ঠানের আগে ও পরে মুক্তধারা প্রেক্ষাগৃহ এবং বঙ্গসংস্কৃতি ভবনকে উপযুক্তভাবে জীবাণুমুক্ত করার ব্যবস্থা নেওয়া হয়েছে। আপনাদের সকলের সার্বিক শুভকামনায় এবং সহযোগিতায় এখনও পর্যন্ত প্রতিটি অনুষ্ঠান সাফল্যলাভ করেছে।

আমরা চাই এইভাবে সারাবছর আপনাদের সাহায্য ও সহমর্মিতায় আমাদের আগামী অনুষ্ঠানগুলি উজ্জ্বল বর্ণময় হয়ে উঠুক।

## অ্যাসোসিয়েশন সংবাদ

বেঙ্গল অ্যাসোসিয়েশন, দিল্লি আয়োজিত চতুর্দশ বাংলা সিনে উৎসব গত ১৯শে মার্চ ২১শে মার্চ তিনদিন ধরে সাফল্যের সঙ্গে পালিত হয়ে গেল।

এবারের বিষয় ‘শতবর্ষে সত্যজিৎ স্মরণে সৌমিত্র’। সাতটি পূর্ণ দৈর্ঘ্যের সিনেমা, দুটি তথ্যচিত্র, এক ঝাঁক তরণ প্রজন্মের তৈরী সাতটি স্বল্পদৈর্ঘ্যের চলচ্চিত্র এবং যশস্বী

পরিচালকদের আলাপ আলোচনা। এই চতুর্দশ বাংলা সিনে উৎসবের অনুষ্ঠানে উপস্থিত ছিলেন শ্রদ্ধেয় স্বনামধন্য নাট্যকার ও অভিনেতা শ্রী ব্রাত্য বসু, বাঙালির অত্যন্ত প্রিয় অভিনেতা শ্রী আবির্ চট্টোপাধ্যায়।

সাতটি পূর্ণ দৈর্ঘ্যের চলচ্চিত্র :

১. ছবিয়াল — শাস্বত চ্যাটার্জি, শ্রাবস্তী চ্যাটার্জি
২. ডিকশনারি — আবির্ চ্যাটার্জি, নুসরত জাহান
৩. সুইজারল্যান্ড — আবির্ চ্যাটার্জি, রুঞ্জিণী মৈত্র
৪. সহবাসে — অনুভব কাঞ্জিলাল, ঈশা সাহা
৫. শ্রীলতাহানির পরে — সৌমিত্র চ্যাটার্জি, শ্রীলা মজুমদার
৬. বহমান — সৌমিত্র চ্যাটার্জি, ব্রাত্য বসু, অর্পিতা চ্যাটার্জি
৭. বরণবাবুর বন্ধু — সৌমিত্র চ্যাটার্জি, মাধবী মুখার্জি, অর্পিতা চ্যাটার্জি

সাতটি স্বল্পদৈর্ঘ্যের চলচ্চিত্র :

১. আলুমনি মিট — নির্দেশনা রণদীপ মুখার্জি
২. লাঠি — নির্দেশনা গৌরব গাঙ্গুলি
৩. ডুব সাঁতার — নির্দেশনা মনসিজ বন্দ্যোপাধ্যায়
৪. সতীন ঘর — নির্দেশনা রাজা চ্যাটার্জি
৫. দি এন্ড — নির্দেশনা মানস নন্দ এবং রাহুল মুখার্জি
৬. মুঝে ভি উড়নে দো — নির্দেশনা আদিত্য কুমার
৭. এভরি ৬৮মিনিটস্ — নির্দেশনা অনিন্দিতা সর্বাধিকারী

বেঙ্গল অ্যাসোসিয়েশনের নিজস্ব পরিবেশনায় দুটি তথ্যচিত্র

১. স্মরণে সৌমিত্র,
২. শতবর্ষে সত্যজিৎ

এই চতুর্দশ সিনে উৎসবে প্রদর্শিত বেশ কয়েকটি চলচ্চিত্র এখনো মুক্তি পায়নি, যেমন বেঙ্গল অ্যাসোসিয়েশনের সদস্য অঞ্জন কাঞ্জিলালের প্রথম ছবি ‘সহবাসে’ এছাড়া

শ্ৰীলতাহানির পরে ও আরো কয়েকটি স্বল্প দৈর্ঘ্যের চলচ্চিত্র। সেই সঙ্গে ছিল আলোচনা এবং তারকাদের মুখোমুখি অনুষ্ঠান।

## নাট্যোৎসব

গত ৩রা এপ্রিল, ২০২১ আমরা সবাই মিলে বেঙ্গল অ্যাসোসিয়েশনের মঞ্চে বিশ্ব নাট্য দিবস উদযাপন করেছি। এই কর্মযজ্ঞে আপনারা যেভাবে স্বতঃস্ফূর্তভাবে এগিয়ে এসেছেন এবং সহযোগিতা করেছেন তাতে কোনও প্রশংসাই যথেষ্ট নয়।

আপাতত দিল্লি বা কেন্দ্রীয় সরকারের পক্ষ থেকে প্রেক্ষাগৃহ বন্ধ করার কোনোরকম নির্দেশিকা আসেনি, তাই বিশ্বনাট্য দিবস উদযাপন করা হল। কোভিড সংক্রমণের বর্তমান পরিস্থিতির কথা মাথায় রেখে আমাদের পূর্ব নির্ধারিত অনুষ্ঠানসূচীতে সামান্য ফের বদল করে এই অনুষ্ঠান করার কথা ভাবা হয়েছে।

৩রা এপ্রিল, ২০২১ শনিবার বিকালে পাঁচটি দল এবং ৪ঠা এপ্রিল, ২০২১ রবিবার সকালে পাঁচটি দল ও বিকালে চারটি দল তাদের নাটক পরিবেশন করেছে। বেঙ্গল অ্যাসোসিয়েশনের পক্ষ থেকে প্রতিটি নাট্যদলকে স্মারক সম্মাননা প্রদান করা হয়।

নাটক আমাদের ভাবপ্রকাশের ভাষা। পারস্পরিক সহযোগিতার মাধ্যমে দিল্লির নাট্যদলগুলির মধ্যে সৌহার্দ্য এবং সমন্বয় আরও বেড়ে চলুক এই আশা রাখি।

## শোক সংবাদ

গত ১২ই মার্চ, ২০২১ বেঙ্গল অ্যাসোসিয়েশনের আজীবন সদস্য আমাদের সকলের প্রিয় জয়ন্তী অধিকারী (কুমুদি) অ্যাসোসিয়েশন আয়োজিত সাহিত্যসভায় নিজস্ব নির্জন স্বাক্ষরটি রেখে আকস্মিক পরলোক গমন করেছেন। আমরা গুঁর আত্মার শান্তি কামনা করি এবং গুঁর শোসন্তপ্ত পরিবারের প্রতি জানাই গভীর সমবেদনা।

আগামী ১১ই এপ্রিল, ২০২১ বেঙ্গল অ্যাসোসিয়েশনের সাহিত্যশাখা জয়ন্তী অধিকারীর প্রতি শ্রদ্ধার্ঘ্য নিবেদন করার অভিপ্রায় একটি স্মরণসভার আয়োজন করেছে। সকলের কাছে বিনীত প্রার্থনা বেঙ্গল অ্যাসোসিয়েশনের সাহিত্যসভার সব বন্ধুরা আগামী ১১ই এপ্রিল রবিবার বিকাল ৫.৩০ মিঃ, মুক্তধারা সভাগৃহে উপস্থিত থেকে এই অনুষ্ঠানটিকে সফল করে তুলতে সাহায্য করুন।

## ‘মুক্তধারা পুস্তক বিপণী’

বেঙ্গল অ্যাসোসিয়েশন, দিল্লি পরিচালিত মুক্তধারা পুস্তক বিপণীর কাজ বর্তমান সময়েও অব্যাহত আছে। সেই পরিপ্রেক্ষিতে জানাই আমাদের পুস্তক বিপণীর পুস্তকের নাম ও মূল্যতালিকা বেঙ্গল অ্যাসোসিয়েশনের ওয়েবসাইটে দেওয়া আছে। আপনাদের পছন্দের বই সহজেই সেখান থেকে পছন্দ করে ন্যূনতম ৫০০ টাকার বই-এর অর্ডার দিলে আমরা সেই বই আপনাদের ঠিকানায় পৌঁছে দেব।

বই কিনুন, বই পড়ুন, বর্তমান সময়ে আপাদের একাকীত্ব দূর করতে বইকে আপনার সঙ্গী করুন।

এইভাবে সকলের সহযোগিতায় বেঙ্গল অ্যাসোসিয়েশনের সঙ্গে সম্পর্ক সুস্থ ও সুদৃঢ় হয়ে উঠুক।